



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: **UP-1/21-1-40-399-5/22**

Datum: 15.11.2022. godine

„Agencija za vodno područje rijeke Save“ Sarajevo rješavajući po zahtjevu JP „Elektroprivreda Bosne i Hercegovine“ d.d. Sarajevo, Podružnice „Elektrodistribucija“ Bihać za izdavanje prethodne vodne saglasnosti za izgradnju niskonaponske mreže „Bužimkići – Sanil Hasić“ duž desne obale rijeke Une, spajanje na NN mrežu u Ul. Bihaćka, na lokalitetu u naselju Bužimkići, Grad Bosanska Krupa, na osnovu člana 109. stav (1) tačka 10. a u vezi sa članom 12. Zakona o vodama („Službene novine Federacije BiH“, broj 70/06), člana 16. tačke 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) i člana 200. stav (1) Zakona o upravnom postupku („Službene novine Federacije BiH“, broj 2/98 , 49/99 i 61/22),
donosi

RJEŠENJE **o prethodnoj vodnoj saglasnosti**

1. Daje se prethodna vodna saglasnost Investitoru „ELEKTROPRIVREDA“ d.d Sarajevo, Podružnica „Elektrodistribucija“ Bihać, za izgradnju niskonaponske mreže „Bužimkići – Sanil Hasić“ na dionici koja se nalazi u vodnom dobru rijeke Une do spajanja na NN mrežu u Ulici Bihaćka, na lokalitetu u naselju Bužimkići, Grad Bosanska Krupa.
2. Prethodna vodna saglasnost se daje na osnovu pregleda dokumentacije i pod slijedećim uslovima:
 - 2.1 Izraditi investiciono-tehničku dokumentaciju za izgradnju niskonaponske mreže „Bužimkići – Sanil Hasić“ duž desne obale rijeke Une do spajanja na NN mrežu u Ul. Bihaćka, na lokalitetu u naselju Bužimkići, Grad Bosanska Krupa, a sve u skladu s propisima za ovu vrstu radova, odnosno za izgradnju NN mreže duž vodotoka u vodnom dobru vodotoka prve kategorije.
 - 2.2 Projektom dokumentacijom jasno definirati trasu NN mreže u odnosu na vodotok rijeke Une. Sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprječavanje tih uticaja, linije dopiranja velikih stogodišnjih voda (1/100) ili isprojektovati mjere zaštite od štetnih posljedica od voda (podlokavanje temeljnih nosača stubova i slično) u protivnom sve posljedice će snositi podnosilac zahtjeva.
 - 2.3. Način ukrštanja NN mreže sa postojećim drugim instalacijama (BH telecom i slično) treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.

3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investitor treba ispuniti u projektnoj dokumentaciji, u skladu sa Zakonom o vodama.
4. Nakon izrade projektne dokumentacije u skladu sa uslovima iz ovog dispozitiva, a prije pribavljanja odobrenja za građenje, Investitor je dužan zatražiti vodnu saglasnost na projektnu dokumentaciju, a sve u skladu sa Zakonom o vodama („Službene novine Federacije BiH“, broj 70/06) i Pravilnikom o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22).
5. Uz zahtjev za izdavanje vodne saglasnosti za izgradnju podzemne niskonaponske mreže „Bužimkići – Sanil Hasić“ duž rijeke Une do spajanja na NN mrežu u Ul. Bihaćka, na lokalitetu u naselju Bužimkići, Grad Bosanska Krupa, pored investiciono-tehničke dokumentacije iz tačke 1. dispozitiva, Investitor treba dostaviti kopiju urbanističke saglasnosti i dokaz o uplaćenju upravnoj taksi u iznosu od 60,00 KM.
6. Prethodna vodna saglasnost se daje sa rokom važenja od tri (3) godine od dana pravosnažnosti ovog rješenja.

O b r a z l o ž e n j e

„Elektroprivreda Bosne i Hercegovine“ d.d. Sarajevo, Podružnica „Elektrodistribucija“ Bihać, se službenim zahtjevom dana 05.08.2022. obratila AVP Sava Sarajevo, za izdavanje prethodne vodne saglasnosti za izgradnju niskonaponske mreže „Bužimkići – Sanil Hasić“ duž rijeke Une do spajanja na NN mrežu u Ul. Bihaćka, na lokalitetu u naselju Bužimkići, Grad Bosanska Krupa.

Uz zahtjev investitor je dostavio slijedeće:

1. Ovjerena kopija Aktuelnog izvoda iz sudskog registra, broj 065-0-RegZ-21-004190, izdanog dana 10.05.2021. godine od strane Općinskog suda u Sarajevu,
2. Kopija uplatnice upravne pristojbe i plaćanja posebnih troškova,
3. Ovjerena kopija Uvjerenja o registraciji / upisu u Jedinstveni registar obveznika indirektnih poreza, izdanog od strane Uprave za indirektno-neizravno oporezivanje Banjaluka, dana 01.08.2007. godine pod brojem 04/1-UPP/1-7160/07,
4. Ovjerena kopija Uvjerenja o poreznoj registraciji, izdanog od strane Federalnog ministarstva finansija – Porezne uprave – Kantonalnog ureda SARAJEVO, dana 30.08.2005. godine;
5. Saglasnost – Odgovor i pojašnjenje Agencije za vodno područje rijeke Save Sarajevo, broj 10-229-2/22 od 22.02.2022. godine, vezano za upit jedinstvenog općinskog organa Bosanska Krupa po zahtjevu JP Elektroprivreda BiH dd Sarajevo za izdavanje urbanističke saglasnosti za izgradnju NN mreže „Bužimkići“ u ulici Bihaćka u Bosanskoj Krupi,
6. Kopija stručnog Mišljenja o usklađenosti planiranih aktivnosti sa dokumentima prostornog uređenja – Izmjena i dopuna prostornog plana opštine Bosanska Krupa, nosioca izrade Instituta za građevinarstvo „IG“ Banja Luka broj IZ-IGBL-IN-UTU-3537/21 od 11.11.2021. godine, uz popratni akt gradskog organa uprave grada Bosanska Krupa broj: 04-19-7114/22 od 31.08.2022. godine u vezi sa izgradnjom niskonaponske mreže „Bužimkići – Sanil Hasić“ duž rijeke Une do spajanja na NN mrežu u Ul. Bihaćka, na lokalitetu u naselju Bužimkići,
7. Studija za izdavanje prethodne vodne saglasnosti za izgradnju niskonaponske mreže „Bužimkići“ krajnji kupac Sanil Hasić, na lokaciji u naselju Bužimkići, Bosanska Krupa; urađena od strane ovlaštenog pravnog lica „Urbis centar“ doo Banja Luka pod brojem 1212-P/2022, jula 2022. godine, u Banja Luci ,
8. Kopija katastarskog plana broj: 04-26-2-5949/21-3 od 30.04.2020. godine izdata od strane jedinstvenog općinskog organa uprave općine Bosanska Krupa,
9. Kopija Zemljišnoknjižnog izvadka, broj ZK uložka 212 KO Kralje izdat 31.12.2020. godine od strane Zemljišnoknjižnog ureda Općinskog Suda u Bihaću,
10. Položajna skica NN mreže Bužimkiće izrađena od strane „IG“ doo Banja Luka, novembra 2021. godine,
11. Potvrda kojom se potvrđuje od strane Odjeljenja za zemljišnoknjižne poslove Općinskog suda u Bosanskoj Krupi nije uspostavljena zemljišna knjiga (gruntovnica),
12. Punomoć zastupnika podnosioca zahtjeva, broj: 06-14208 od 29.05.2020. godine,

13. Uplatnica posebnih troškova medijskog objavljivanja po zaključku broj UP-1/21-1-40-399-3/22 od 02.11.2022. godine,

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 21.10.2022. godine obaviještena javnost putem obavještenja na oglasnim pločama «Agencije za vodno područje rijeke Save» u Sarajevu i Ureda u Bihaću, te dana 22/23.10.2022. godine u dnevnom glasilu «OSLOBODENJE». U ostavljenom roku nije bilo pisanih izjašnjenja o predloženim aktivnostima iz zahtjeva.

Nakon uvida u dostavljenu dokumentaciju konstatovano je da ne postoje smetnje da se Investitoru izda tražena prethodna vodna saglasnost uz propisane uslove definirane tačkom 2. ovog rješenja, a shodno odredbama člana 96. stav (1) tačka 18. i člana 128. Zakona o vodama („Službene novine Federacije BiH“, broj 70/06).

Uzimajući u obzir naprijed navedeno, a shodno odredbama člana 111., a u vezi sa članom 12. Zakona o vodama, te člana 5. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 80,00 KM u skladu sa članom 7. stav 1. tarifni broj 43. Zakona o federalnim upravnim taksama («Službene novine F BiH», broj 6/98), te troškove oglašavanja u u iznosu 188,37 KM u printanom mediju na nivou BiH.

UPUTA O PRAVNOM LIJEKU


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- JP „ELEKTROPRIVREDA“ d.d. Sarajevo, Podružnica „Elektrodistribucija“ Bihać, Bosanska 25, 77 000 Bihać,
- AVP Sava – ISV - Vodna knjiga
- ▲ Sektor 40 – Arhiva
- Oglasna ploča AVP - Sava